



Aningaasaqarnermut Nunanullu Allanut Naalakkersuisoq

Aningaasaqarnermut Ataatsimiititaliap suliag nr. 01.31.06/06-00191 pillugu sisamangornermi ulloq 14. september 2006-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 8. september 2006-imi aalajangernerat)

2007-imi kontomi pingaarnermi 84.40.10-mi Kommunini atuarfinnut tunngasumi, Kullorsuarmi atuarfiup A-overslagiliorneqarnerata kingunerisaanik nuussineq.

Naalakkersuisut **inassutigaa**,

Kontomi pingaarnermi 84.40.10-mi, Kommunini atuarfinnut tunngasumi, 2007-imi nuussisoqassasoq, taamaalilluni suliassamut nr. 167.50.082-imut, Kullorsuarmi atuarfimmud tunngasumi, aningaasaliissutit 9.700.000 kr.-inik amerlineqassasut aamma suliassamut nr. 996.50.080-imut, Atuarfinni assigiinngitsuni nutaamik sanaartornermut iluarsaanermullu tunngasumut, aningaasaliissutit 9.700.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Kullorsuarmi atuarfissap nutaap nutaamik sulariumannittussarsiuinneqarnera tunngavigalugu atuarfinnik sanaartornissamut aningaasaliussat suliassamut aalajangersimasumut pituttugaanngitsut ilaasa atugassiissutigineqarnissaat Naalakkersuisunit qinnuteqaatigineqarpoq. Kullorsuarmi atuarfimmik sanaartornissamik suliassamut aningaasaliissutit 9,7 mio. kr.-inik amerlineqarnissaat qinnutigineqarpoq.

Taama qaffaanissaq maanna iluserisamisut iluseqartilluni suliassat arlallit meeqqat atuarfiannik sanaartornermut pilersaarummi kontomi pingaarnermi 84.40.10-mi, kommunini atuarfinnut tunngasumi, ilanngunneqarsimasut ukiumik ataatsimik kinguarnerannik kinguneqassaaq, tak. ataani skema:

Nr.	Ateq	AIS-2007 naam-massinnissamut pilersaarut	Naammassin-ninnissamut pilersaarut iluarsisaq	Siuartinneqarpoq(+) Kinguartinneqarpoq(-) (ukioq)
020	Qaqortoq	2010	2011	-1
050	Paamiut	2012	2013	-1
163	Aappilattoq	2006	2007	-1
153	Ikerasak	2007	2008	-1
165	Tasiusaq	2007	2008	-1
152	Qaarsut	2008	2009	-1
071	Atammik	2008	2009	-1
161	Upernavik Kujalleq	2008	2009	-1
095	Iginniarfik	2008	2009	-1
065	Kapisillit	2013	2014	-1
014	Tasiusaq	2013	2014	-1
018	Alluitsup Paa	2013	2014	-1
021	Saarloq	2013	2014	-1
061	Qeqertarsuatsiaat	2013	2014	-1
171	Savissivik	2013	2014	-1

Kullorsuarmi atuarfimmik sanaartornissap 2007-imi aallartinneqarnissaa siunnersuutigineqarpoq.

Pissutsit nalinginnaasut atuutsillugut suliassaq una allannguutissatut siunnersuut aqutigalugu 2007-imi aningaasanut inatsisissatut siunnersuummut ilanngunneqarsimasariaqaraluartoq oqaatigineqassaaq. Tassa suliassamut aningaasaliussassatut qinnuteqaatigineqartut 2007-imi aatsaat atorneqartussaananer atunngavigalugu. Aalajangiussisimanissamulli piffissarititaasoq pissutigalugu suliap nukinginnartutut sularineqarnissaa Naalakkersuisunit qinnutigineqarpoq. Tassunga atatillugu sanaartornissamut neqeroort qanga Naalakkersuisunit tigunneqarsimanersoq aammalu aalajangiussisimanissamut piffissaliussaq qaqugu qaangiutsissanersoq pillugit paasissutissat Aningaasaqarnermut Ataatsimiititaliamit qinnutigineqassapput.

Kiisalu suliassaqarfimmut 80-89-imut, Sanaartornermut iluarsaanermullu tunngasumut, oqaasertaliussaq nr. 5, suliassamik 2007-imi allannguinnissap maannangaq ingerlanneqarnissaanut inatsisitigut pisariaqartumik tunngavissamik aalajangersaasoq innersuussutigineqarpoq.

Kapisilinni atuarfik immikkoortumi sanaartornissamut pilersaarummi suli ilaasoq Aningaasaqarnermut Ataatsimiititaliamit maluginiarneqarpoq, naak nunaqarfimmi atuartitsineq ingerlanneqarunnaareeraluartoq. Atuarfiup illutaa siunertanut allanut ullumikkut atorneqarpoq. Atuarfiup immikkoortumi sanaartornissamut pilersaarummi suli ilaananeranut suna tunngaviuva?

Atuarfinnik iluarsaanissat siuliani skemami allassimasut kinguartinneqarnissaat ataatsimiititaliamit **akuerineqarsinnaannginnerat** Aningaasaqarnermut Ataatsimiititaliamit tulliullugu oqaatigineqassaaq. Taamaattumik aningaasalersuinissami sanaartornissamiluunniit periusissamik allamik saqqummiusseqqullugit Naalakkersuisut ataatsimiititaliamit qinnuigineqassapput, taamaaliornikkut immikkoortumi sanaartornissamut pilersaarummi allassimasunut sanilliullutik suliassat **kinguartinneqaqqunagit**.

Tassunga atatillugu Upernavimmi atuarfeqarnermut pilersaarut iluarsisaq/nutartigaaq Aningaasaqarnermut Ataatsimiititaliamit qinnutigineqassaaq. Tassunga ilanngullugu 2006-imi atuartut amerlassusaannut paasissutissat ukiunilu aggersuni Upernavimmi Kullorsuarmilu atuartut amerlassusissaattut naatsorsuutigineqartut pillugit paasissutissat Aningaasaqarnermut Ataatsimiititaliamit kissaatigineqarput. Paasissutissat maanna atuarfiusuni atuarfiliassatullu pilersaarutaasuni atuartuutigisinnaasanut sanilliunneqassasut qinnutigineqarpoq. Tassunga ilanngullugu Upernaviup pigisaani nunaqarfimmi atuartut ukioqatigiiat kingulliit marluk Upernavimmut atuariartortinneqartalernissaannik Kommuneqarfiup Upernaviup anguniagaa pilersaarutini mianeriniarneqarsimanersoq paasissutissiissutigineqassasoq kissaatigineqarpoq, soorlu kommuni Naalakkersuisunit ilisimaneqartutut tamanna pillugu 9. december 2005-imi allakkiortoq.

Kiisalu Kullorsuarmi siunnersuutigineqartumut sanilliullugu atuarfinnik akikinnerusumik sanaartorsinnaaneq pillugu Naalakkersuisut qanoq isumaliutersuuteqarsimanersut paasissutissiissutigineqassasoq ataatsimiititaliamit kissaatigineqarpoq. Nunaqarfimmi innuttaasunut sanilliullugu atuarfik 40 mio. kr.-ingajammik akilik aningaasartuutaavallaartutut isumaqarfiginarpoq. Tassunga atatillugu Illorput 2000-it arlallit ataatsimoortunngorlugit sanallugit ilinniartitsinermit atorneqarsinnaananer atunngavigalugu Naalakkersuisunit isumaliutigineqarsimanersoq imaluunniit periarfissatut isigineqarnermoq paasissutissiissutigineqassasoq kissaatigineqarpoq, soorlu Siorapalummi taama iliortoqarsimasoq.

Aningaasaqarnermut Ataatsimiititaliap aalajangiinera

Oqaaseqaatit siuliani allassimasut innersuussutigalugit Naalakkersuisut inassuteqaataasa isummerfiginissaat Aningaasaqarnermut Ataatsimiititaliap **kinguartippaa**. Suliaq nukinginnartut Naalakkersuisunit nalunaarneqarsimammat apeqqutitut siuliani allassimasunut Naalakkersuisut akissuteqaataata sapinngisamik piaarnerpaamik tiginissaa ataatsimiititaliamit qinnutigineqarpoq. Naalakkersuisut akissuteqaataat kalaallisut danskisullu allaganngorlugu taamatullu qarasaasiakkut uunga nassuteqquneqarpoq: nch@gh.gl.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliami siulittaasoq